

黔 記

上

〔明〕郭子章 著

赵平略 点校



西南交通大学出版社

贵州省高校人文社科基地贵阳学院阳明学与地方文化研究中心
地域文化研究丛书 黔学研究丛书

贵州省优秀科技教育人才省长专项基金项目

贵州省教育厅高校人文社会科学研究基地项目

贵阳学院阳明文化协同创新中心项目

黔记

上

〔明〕郭子章 著

赵平略 点校



西南交通大学出版社

图书在版编目 (C I P) 数据

黔记: 全3册 / (明) 郭子章著; 赵平略点校. —
成都: 西南交通大学出版社, 2016.1
ISBN 978-7-5643-4389-7

I. ①黔… II. ①郭… ②赵… III. ①贵州省—地方
志—明代 IV. ①K297.3

中国版本图书馆 CIP 数据核字 (2015) 第 261821 号

黔记 (上中下)

[明] 郭子章 著
赵平略 点校

出 版 人 阳 晓
责 任 编 辑 李晓辉 吴 迪
封 面 设 计 米迦设计工作室

出 版 发 行 西南交通大学出版社
(四川省成都市金牛区交大路 146 号)
发行部电话 028-87600564 028-87600533
邮 政 编 码 610031
网 址 <http://www.xnjdcbs.com>

印 刷 成都勤德印务有限公司
成 品 尺 寸 170 mm × 230 mm
总 印 张 75
总 字 数 1384 千
版 次 2016 年 1 月第 1 版
印 次 2016 年 1 月第 1 次
书 号 ISBN 978-7-5643-4389-7
套 价 680.00 元

图书如有印装质量问题 本社负责退换
版权所有 盗版必究 举报电话: 028-87600562

黔记序 壹

今天下开府置官属之地十有三，而黔最后。黔非特后也，籍黔之入不足以当中土一大郡，又汉夷错居，而夷倍蓰焉。以此，宇内往往少黔，其官于黔者或不欲至，至则意旦夕代去，固无恠其然。乃士生其间，或亦谬自陋，通籍后，往往籍其先世故里，视黔若将浼焉。余居尝每叹之。嗟^①，谓黔不足治乎？是越不章甫而蜀不雅化也。谓黔不足兴乎？是陈良不产于楚而由余不生于戎也。有是哉？第地之重人也以山川，而人之重地也以文献，黔自国朝始为冠带之国^②，文献阙焉，地奈何得重？

余间考乡先辈，非无崛起于时者，旋就湮没，载稽、故府牒及列郡乘，俱散漫磨灭不可读。有无乘者，夫其湮没也，岂非无以表章之，而其散漫、磨灭且无乘也，又岂非黔士大夫之过也^③。余不佞，尝读郡志而有志焉^④。自以学闇典坟，搜罗未广，惧为山川羞。

乃今有郭中丞青螺公《黔记》也^⑤。中丞读书尽天下，其记黔也，直取兵于武库，不劳更铸。第中丞自平播以来，拮据戎马兵食间，宜无余力，而游翰所染，辄至充栋。余曾不闻杜元凯平吴^⑥，裴中立平淮，有所论著也。且中丞望重中书久矣，独不意旦夕代去邪？余观大事记，黔之故实厘然指掌，虽黔人不谄也。至读贤宦传，见乡先辈一二典型，烂然如昨而身或不知。又如宣慰传中所载，昂兄弟诗蔚然风雅，想见其人。土流有此，何论华族？而《黔记》未成时，辄并湮没。由此以

① 嗟：乾隆《贵州通志》（以下简称“乾隆志”）无。

② “文献，黔自”四字原无，据乾隆志补。

③ 从“有无乘者”至“士大夫之过也”，乾隆志作“是无以表章，听其湮没，皆黔士大夫之过也”。

④ 志：乾隆志作“感”。

⑤ 也：乾隆志无。

⑥ 不：乾隆志作“未”。

谭，未尝表章之，不可谓无献；则未尝修之，固不可谓无文也。

中丞所为诗文，在在杀青；而其肆笔为史，则黔独著。中丞岂亦有意为黔文邪？书成纸贵，海内士与寓目焉。由此，必有乐至其地，以绍中丞之业者。若黔士，既发醯鸡之覆，其亦将得宝于家^①，而不暇外索乎^②！此非《黔记》，谁启之也。记今自重天下，不藉余为玄晏。第余乐桑梓文献有归，且见君子之有益于人国如此。因纪其实而序之。若文之工不工，自是黔驴之技，所不计也。

万历癸卯重九日赐进士第征仕郎翰林院检讨直起居注编纂官麦新治生丘禾实有秋甫顿首拜撰。

① 其亦：乾隆志无。

② 乎：乾隆志无。

黔记序 贰

大中丞郭公抚余黔之癸卯岁，出所著《黔记》示^①。昔子欲居九夷^②，《鲁论》纪其答问之语，炳如日星^③。正德中，文成王公官龙场署中，书有《何陋轩记》^④。今翰墨淋漓壁间，似若神物护持之者^⑤。嗟，孔子所云九夷^⑥，岂必即罗施之区。先生兹记^⑦，毋亦为鄙夷余黔者广乎？以今睹青螺先生《黔记》，益可念也。尝观名山大川，载在图经^⑧，字内寥廓^⑨昭旷之士，恨不旦暮遇。乃遐陬僻壤，岂无一丘一壑，为造化所含奇者。即輶轩过之，不肯经览。人情贵耳贱目，贵近贱远，大抵然也。夫黔视中土，亦何以异此。且黔自我明建藩来，不二百余年乎^⑩。二祖之所创造，累朝之所覆育，皇祖与皇上之所观文成化^⑪，亦既等之雄藩矣^⑫。民鼓舞于恬熙，士涵咏于诗书，亦既彬彬质有其文矣。第游谭之士，尚往往以其意轻之。又士大夫闻除目一下^⑬，辄厌薄不欲往，此宁独以边徼故？抑或以文献渺少，兴起为难，故虽千载下，犹未离于或人之见耳。

乃今有中丞公《黔记》矣，其文与献可考镜矣。余黔人，何敢侈谭黔事。试即

① “大中”二句：乾隆志在“鄙夷余黔者广乎”之后、“益可念也”句之前。

② 子：乾隆志作“孔子”。

③ 炳如日星：乾隆志无。

④ “正德中”至“《何陋轩记》”：乾隆志作“迨其后，有明正德中王阳明先生谪官龙场，有《何陋轩记》”。

⑤ 若：乾隆志作“有”。

⑥ 孔子：乾隆志作“吾夫子”。

⑦ 先生兹记：乾隆志作“文成之记”。

⑧ 在：乾隆志作“有”。

⑨ 寥廓：乾隆志无。

⑩ “夫黔视中土”至“不二百余年乎”：乾隆志作“夫黔虽僻壤，自我明建藩以来，二百余年”。

⑪ “皇祖与”三字：乾隆志无。

⑫ “亦即等之”句：乾隆志无。

⑬ 又：乾隆志无。

记中所载，则理学文章^①，忠孝节义，种种具备，何其盛也！豪杰之士，丁时奋树，如所称二三君子，裒然名世，何其伟也^②！又如名公巨卿之所经略^③，迁客硕儒之所讲明，勋华增天地之光，道德作誉髦之式，抑何造物之有意于黔也^④。由斯以谭，则今日之黔，孰与曩昔乎？士亦何必徒以耳食邪？今夫天地之元气，愈渐溃则愈精华；国家之文治，愈薰蒸则愈彪炳。而是精华彪炳者，得发抒于盍代之手？其人重，则其地与之俱重，黔盖兼而有之。贵山富水与龙山龙场，行且有闻于天下万世矣。世有寥廓昭旷之士，亦必于黔乎神往矣。非公兹记，其畴与张之^⑤？

在昔赋《三都》、《两京》者一出，而贵洛阳之纸价，脍士林之口吻^⑥。然或感时讽谏，或折衷群言，且皆成于十年。视公投戈染翰，刻烛赋诗，备一代之典章，垂千秋之信史，其迟速轻重，固天渊矣。记成，当与黔并永，不特海内番然改观^⑦。固知孔子何陋之言^⑧，与阳明先生名轩之意^⑨，俱得公而益信也。象不揣固陋，附言末简，岂惟无能发公表章之意，抑亦恐为斯记之羞。公悦谓其为黔产也，而载其言^⑩，以存污樽土缶之一端邪^⑪。

万历甲辰初正上元日赐进士第前刑科右给事中奉敕巡视京营光禄侍经筵官古云治生陈尚象心易甫顿首拜撰。

① 则：乾隆志无。

② “豪杰之士”至“何其伟也”：乾隆志无。

③ 又如：乾隆志作“至于”。

④ “抑何”句：乾隆志作“抑又何伟也”。

⑤ “非公兹记，其畴与张之”：乾隆志无。

⑥ 口吻：乾隆志作“口”。

⑦ 番：乾隆志作“幡”。

⑧ 孔子：乾隆志无。

⑨ 先生：乾隆志无。

⑩ “发表章之意”至“为黔产也，而”：乾隆志无。

⑪ 邪：乾隆志作“云”。

凡 例

1. 点校以书目出版社影印北京图书馆藏明万历刻本为底本，该本存五十六卷。以万历丁酉（1597年）《贵州通志》为对校本，参校嘉靖《贵州通志》、乾隆《贵州通志》等相关古籍。

2. 贵州图书馆据北京图书馆及上海图书馆藏本摄制刻写，刻写时常有定正，本书多有采纳，并出校。书目出版社影印的第八卷与第九卷与郭子章所著《黔记》的整体风格不一致，经查，系据嘉靖三十四年谢东山《贵州通志》刻本补足。贵州图书馆刻写本中第八与第九卷系据上海图书馆藏本，与郭子章《黔记》的整体风格更为一致，本书第八卷与第九卷即以贵州图书馆刻写本为底本。附图亦以贵州图书馆刻写本为底本，因其更为清晰。

3. 因是不同的著作，故尔一般异文不出校记；对内容有所补充，能订正讹误，或必有一误之处，出校。

目 录

(上)

卷一	1
大事记上	2
卷二	21
大事记下	22
卷三	37
星野志	38
卷四	47
輿图志一	48
卷五	88
輿图志二	89
卷六	156
輿图志三	157
卷七	169
輿图志四	170
卷八	201
山水志上	202
卷九	241
山水志中	242

卷十	273
山水志下	274
卷十一	297
灾祥志	298
卷十二	319
群祀志	320
卷十三	345
止榷志上	346
止榷志下	351
卷十四	353
艺文志上	354
卷十五	371
艺文志下	372
卷十六	394
学校志上	395
卷十七	418
学校志下	419

黔记卷一目录

大事记上

殷
周
秦
汉
 东汉
 蜀汉
晋
隋
唐
梁
 后唐
晋
宋
元

黔记卷一

泰和郭子章相奎父著
汉州宋兴祖汝杰父正
贵溪毕三才成叔父校

大事记上

蟪蛄生曰：国之大事在戎。黔极西鄙，故纪黔事之大者，十九戎也。予读《汉史·西羌传》，武丁征西戎、鬼方，三年乃克；唐称鬼主，宋元称罗施鬼国，今犹称大鬼主、罗鬼云。三年克之，孔子伤其惫。至于今，而有播之役。二月出师，六月克敌。皇上英武，远过高宗。顾三省帑藏如洗，死亡相枕，不待三年，亦惫矣。呜呼，唐惫于南诏，元惫于蛇节，明一惫于米鲁，再惫于铜人，三惫于炉山，四惫于夜郎，故议兵于西南夷者，不可不重也。

殷

高宗

戊子，三十二年伐鬼方，三年克之出《易》并《甲子会纪》。

周

厉王

王任掎克，湏酒，内纘音避于中国，覃及鬼方《诗·荡》八章。

楚顷襄王

楚庄豪将兵，从沅水灭夜郎豪一作蹠。

秦

始皇帝

通五尺道，置夜郎吏，寻废。

汉

武帝

辛亥，元光五年，拜唐蒙为中郎将，使夜郎。以夜郎置犍为郡，使其子为令。罢西夷。

庚午，元鼎六年，使驰义侯遗发南夷兵，伐南粤。且兰君反。诏八校尉击且兰。中郎将郭昌、卫广引兵破且兰。斩首数万。定西南夷，以为牂柯郡^①。夜郎侯多同入朝，以为夜郎王。牂柯太守吴霸，请封夜郎王三子为侯，从之。

壬申，元封二年，发巴蜀兵，击灭劳深、靡莫，以兵临滇。

昭帝

乙未，始元元年，牂柯、谈指、同并等二十四邑皆反。遣水衡都尉，发蜀郡、犍为犇命万余人，击牂柯，大破之。

成帝

河平某年，夜郎王兴与钩町王禹、漏卧侯俞，更举兵相攻。遣太中大夫蜀郡张匡持节和解，不从。金城司马陈立为牂柯太守，诛夜郎王兴。

^① 以为牂柯郡：万历《贵州通志》（以下简称“万历志”）作“分属牂柯、犍为、武陵三郡”。

东汉

光武帝

牂柯郡功曹谢暹与郡大姓龙、傅^①、尹、董氏，遣使从番禺江奉贡。

安帝

丁未，永初元年夏五月，夜郎蛮夷举土内属。《传》云，开境千八百四十里。

桓帝

牂柯尹珍为荆州刺史。

蜀汉

后主

癸卯，建兴元年夏，牂柯太守朱褒反，应雍闿。

乙巳，三年春三月，丞相诸葛亮南征，分建宁、牂柯为兴古郡兴古，今普安州是。马忠为兴古郡太守《晋·地理志》、《南中志》、《通鉴》、《云南通志》。

晋

武帝

爨深为兴古郡太守爨府君碑，在曲靖。

怀帝

辛未，永嘉五年，分牂柯郡，置平夷、夜郎二郡宁州刺史王逊分置。兴古太守爨

^① 傅：原作“传”，据贵州图书馆本（以下简称“贵图本”）改。

深与将军姚岳同御李雄兵，破之《云南通志》。毛楚为牂柯太守楚，枳人。出常璩《南中志》。

隋

文帝

开皇某年，置黔安郡统都上，明阳郡统绥阳、义泉，清江郡，牂柯郡统牂柯县。是时，贵州地杂属于四郡。置牂州今普安州属之。

甲子，仁寿四年，置务川、扶阳二县属庸州。今扶阳废县在思南，废庸州，以务川隶巴东郡。

炀帝

大业某年，首领谢龙羽据黔中。

唐

高祖

戊寅，武德元年，改黔安郡为黔州。

己卯，二年，黔安、清江各郡内属。置义州在今龙泉。统信安、义泉、绥阳、都牢、洋川五县，西平州领附唐、平夷、盘水三县，今普安州是。

庚辰，三年，谢龙羽遣使入朝。拜牂州刺史、夜郎郡公。充州蛮来朝在牂州百五十里。

辛巳，四年，置黔州都督府督务、牂等州。是时，贵州地皆属之。置费州废费州在今思南府，夷州义泉郡即今石阡府治。以思州之宁夷县置，务州领务川、涪川、扶阳。

壬午，五年，更义州为智州。

太宗

丁亥，贞观元年，废夷州义泉郡。以废夷州六县、废思州五县属务州废夷州之伏

远、宁夷、思义、高富、明阳、丹川六县，废思州之丹阳^①、城乐、威化、思王、多田五县俱属务州。今废思王、城乐、多田三县址，俱在思南。改西平州为盘州隶戎州都督府。

己丑，三年闰十二月丁未，东谢酋长谢元深、南谢酋长谢强来朝。诏以东谢为应州，南谢为庄州，隶黔州都督今思南府有废庄州，疑即南谢也。

庚寅，四年，开山洞^②，复以都上县置夷州义泉郡即今葛彰司治。改务州为思州。置费州，治于涪川。

辛卯，五年，置夜郎县属巫州。

甲午，八年，割思州多田、城乐属费州。

乙未，九年，分牂柯郡，置郎州领恭水、高山、贡山、柯盈、邪施、释鸢六县。

丙申，十年，以思州高富县属黔州高富废县今在播州。

丁酉，十一年，徙夷州治于绥阳即今真州地。更智州为牢州，徙治义泉。以绥阳、高富属夷州。罢黔州都督府，置庄州都督废庄州在今思南府。省郎州并六县。

己亥，十三年，置播州于郎州置，播州之名始此。仍置六县。

庚子，十四年，更恭水六县名更恭水曰罗蒙，高山曰舍月，贡山曰湖江，柯盈曰带水，邪施曰罗为，释鸢曰胡刀。

壬寅，十六年，更罗蒙县为遵义遵义之名始此。置溱州领荣懿、扶欢、乐来三县，今思南府有废扶欢县。扶欢，山名。珍州。

癸卯，十七年，废牢州，以义泉属夷州义泉废县在今遵义府。

丙午，二十年，以夷州芙蓉、瑯川属播州。

高宗

庚申，显庆五年，废舍月、湖江、罗为三县。

武后

丙戌，垂拱二年，置万安县隶锦州，即今铜仁府治。

① “阳”字原缺，据贵图本补。

② 四年，开山洞：万历志作“十六年，开山洞，益拓其地，置牂、夷、播、珍等州，属黔中、剑南二道采访使”。《贵州图经新志》作“十六年，开山洞，益拓其地，置思、夷、播、珍等州郡十三，属黔中道采访使，并置羁縻州五十一，属黔州都督府”。按：二书均是对唐太宗时期的总体描述。

中宗

庚戌，景龙四年，废庄州都督府，置播州都督。

玄宗

壬子，先天元年，废播州都督府，复置于黔州。

丁丑，开元二十五年，以宁夷县属夷州。充州酋长赵君道来朝。

戊寅，二十六年，废胡刀、瑯川二县，并入带水带水废县在播州。

壬午，天宝元年，改黔州为黔中郡，都督如故领施、夷、播、思、费、珍、溱、商九州^①。改夷州为义泉郡，播州为播州郡，思州为宁夷郡，费州为涪川郡，溱州为溱溪郡，珍州为夜郎郡。改万安为常丰县。

肃宗

戊戌，乾元元年，复以黔中郡为黔州都督府。复义泉、播州、宁夷、涪川、溱溪、夜郎六郡，仍为州。

代宗

大历某年，东爨乌蛮据于矢部今普安州。

德宗

乙丑，贞元元年，充州蛮来朝。

壬午，十八年，充州蛮来朝。

宪宗

丙戌，元和元年，置蔺州即今普市所。

^① 九州：按以上实例八州，疑有脱讹。